

海陽縣志卷四十二

列傳十一 義行

林紹堅 宋

蔡景 元

謝紀

吳肇德

簡廷輝

張一明

朱月嶺 已上明

黃衍參

劉諍一

李士桂

楊之茂

程國楫

方應丁 弟應奎

莊春馨

曾文正

楊潮

海陽縣志

卷四十二

列傳十一

一

許文侯

郭超南

沈文琳

林日華

呂光裕

許日欽 已上國朝

宋

林紹堅字民望原籍福州人宋紹興甲戌進士拜侍御史歷官銀青光祿大夫移家來潮築廬於邑之鳳棲家雄於財施與不吝開

禧元年奉宋甯宗萬壽龍牌入開元寺歲時致祝 寺供龍牌始此 而以所

置海陽及大埔等處田六千八百四十畝施入寺中祝聖並贍僧

郡守趙師宥 一作思宥 奏聞奉旨敕本寺建祠祀之 據張志修

元

蔡景性慷慨喜爲善舉祖某礪石爲柱凡三十枚將以建宗祠泰定初教授何先民增修文廟景盡捐之天厯三年落成學正劉貢珍爲之記

同上

明

謝紀字宏毅幼喪父事母蔡以孝聞敦禮義捐田贍族設鄉塾以教鄉人好施予見遺骸未葬及貧不能斂者悉捐貲以助里中稱義士祀鄉賢所著有養心閒集

據張志參府志修

簡廷輝字雲拱號徵陽八歲能文十三游府庠十五食餼聲名籍甚中天啓甲子舉人絕跡公門事二親至孝處宗黨藹如也鄉人林某被誣攜一女就廷輝求鬻以贖罪廷輝曰冤矣予當爲汝完

海陽縣志

卷四十一

列傳十一

一一

此速攜歸擇配其人曰無以酬公奈何廷輝曰豈望報耶其周人急多如此類丁丑卒於公車士類憫之

據周志修

張一明字愛泉寄籍普甯崇禎辛巳歲饑邑令勸殷戶輸粟無應者一明出脩脯所積捐穀數十石或笑之答曰道殣相望不罄所有以濟萬一是無惻隱心也宗族子弟貧不能讀者助以膏火年八十猶講學不倦邑令吳紹賢表其門

同上

朱月嶺上林鄉人

今隸豐順

倜儻義俠嘗泊舟江上夜聞呼救聲登岸

視之則二婦人也詢爲黃氏姑媳家上杭爲賊所掠奔逸至此憐而載歸自詣上杭訪其夫家偕以來厚贈遣之邑令采其實上聞舉鄉飲賓越數年黃復來謝聞月嶺已卒號泣而去

同上

國朝

黃衍參字元唯世居隆津都龍湖市少儻有大志順治初鄭成
功踞臺灣往來廈門行劫海上丙戌春賊黨黃海如亂人驚風鶴
衍參謀賊將至以牛酒犒師於十里外與其兄衍肇陰部署鄉勇
禦之賊知有備乃引去康熙壬寅 詔遷海界惟隆津未遷至甲
辰海氛愈警 特詔冢宰伊里布少司馬碩圖覆勘隆津亦在所
遷之列時衍參尚少陳之當事情詞懇切得免甲寅潮鎮劉進忠
聞逆藩吳耿之變納款於耿縱賊之龍湖衍參往見其酋曉以利
害龍湖得無恙平定後以例貢授和平訓導同上

劉諍一字直卿諸生事親孝撫兄遺孤若已出期功數十口合爨

海陽縣志

卷四十一

列傳十一

三

六十餘年里族不能葬者予以地不能斂者予以帛以子時顯貴

贈文林郎

據張志修

李士桂字義一少孤事母孝撫兄子有恩輕財好學時招博學能
文之士與子游康熙中遷界展復鬻產以助族人牛種建祖祠拓
祭業人推長者子文山以恩貢登雍正癸卯鄉書四方從學潮士

掇魁知名者多出其門

據張志修

楊之茂字百年海陽人籍澄海康熙癸卯舉人性穎異長於詩古
文詞嘗著庸訓霖湖集度歲草行世急難好施故宦蔡一山女孫
淪於婢出金贖之爲擇配郡居十載未嘗一干有司守道仇昌祚

高其行卒爲撰墓碑

據府志修

程國楫字濟生邑諸生康熙甲寅山寇肆掠糾鄉勇直擣桑浦破其巢賊遁出所擄童釋送之還義聲震遠近同上

方應丁號先庚海陽人普甯學廩生遇寇亂築圍固守鄉族賴之兩經郝尚久劉進忠之叛王師久頓城下應丁合眾供軍實又嘗捐貲修南門隄後爲從化教諭卒於官弟應奎號先婁篤行力學父有遺產悉推與兄應丁自甘蔬布食餼邑庠康熙十六年歲貢

屆期以吳友年老讓之後以歲貢終

據周志修

莊春馨字弢士爲人沈毅有幹略能文章爲邑諸生康熙戊申甲寅閒海寇蜂起鄉里戒嚴僉舉春馨爲約正練鄉勇立寨柵賊莫敢犯里中有不平咸質成之十餘年無履訟庭者晚年以歲貢授

海陽縣志

卷四十一

列傳十一

四

昌化訓導未任卒

同上

曾文正字其昭康熙庚午舉人爲人溫雅若訥遇公事則侃侃而談俱中肯綮大鑑鄉隄潰波及上莆龍溪南桂三都連年水患不息文正合三都紳耆陳之當事糾同鄉民各輸工料壘石禦之親自督理不辭勞瘁三都水患以除士民至今德之同上

楊潮字爾海參議鍾岳之子康熙三十二年捐貲築田頭隄修水閘雍正丙午丁未邑大侵潮捐米散賑頻年不倦觀察劉公儼太守李公濂胡公恂先後表其廬同上

許文侯字豹夫貢生少聰穎寓目成誦授徒三十載出其門者多知名士脩脯所入以建宗祠贍族之貧乏者鄉有義塚纍纍荒原

爲風雨侵削每清明灑麥飯祭之負土培護以爲常有果園爲人所賃已計值受貲矣忽遭颶風果盡落召其人還之卒年七十九以孫日熾貴贈朝議大夫浙江道御史累贈中憲大夫同上郭超南字成任號用茲貢生家素豐好行善需次得香山訓導適有馬南寶者宋末傾家殉國難舊志佚其名超南力請於令得附入又有苦節鄭氏家貧不能自達爲申請獲 旌秩滿假歸卒祀

忠義孝弟祠

同上

沈文琳幼孤事孀母無違顏友愛季弟甘苦共之乾隆戊午登賢書己未會試下第歸至玉山同舟蔡開隆者患疫人不欲與俱文琳曰死生有命奈何棄之遂與蔡同舟視湯藥扶持如骨肉行次

海陽縣志

卷四十一

列傳十一

五

安仁以暴疾終開隆哭之慟病增劇至萬安亦卒聞者悲之

同上

林日華號旦兮乾隆癸卯舉人甲辰會試南歸抵姑蘇有榕邑族戚耄年 欽賜旅次病甚僕人潛逃日華爲覓回躬親醫藥俾病勢就痊而後行癸丑下第有新選汾西知縣陳國煌聘爲幕賓未幾陳卒凡衣衾棺槨倉庫案牘皆一力經紀故人周玉章選拔廷試卒於京靈櫬資之歸里丁巳司訓東安倡修文廟日華持身儉約而見義樂爲又長於詩著有城南書莊續草留都草紀行編

未梓卒

據林氏家傳修

呂光裕字德輝號文亭監生就職經歷天性慷慨家豐於貲而樂施予乾隆乙卯歲饑斗米千錢民大窘時光裕與林葉兩家合辦

長汀官鹽請於鹺使金之昂設四關爲粥以賑其老穉不克赴者另廠給以錢太守韓義平糶光裕首捐三千金米四百石爲眾倡當是時飢民攘奪滿道路兵吏莫可誰何光裕慮民之不靖也解囊與約人日百錢期半月止潛弭其患民賴以甦潮人至今嘖嘖

稱尚義云子玉璜別有傳

據呂氏家傳修

許日欽字省之宏安鄉人性慷慨同治乙丑春夏間饑日欽聚族紳言曰今歲饑族中貧者多不能舉火憊甚吾家積穀尚有若干石願盡數先出平糶而後諸君繼之若何眾曰諾日欽乃指囷出糶未幾穀價平鄉里賴其全活甚眾辜楊兩姓構爭幾釀巨禍日欽多方排解爲墊金二百事遂息宏安寨聚族萬人日欽於賣米

海陽縣志

卷四十一

列傳十一

六

諸各家時默令減價以資貧戶而償其折閱人鮮有知者生平抑抑持躬雖居鉅族擅厚貲未嘗以疾言遽色一加乎人故人無親疏聞日欽名皆敬服子四鏡河鏡波俱庠生

據採訪冊修